

## U Doboju Jugu

### OBILJEŽEN DAN OPĆINE I DAN OŠ“21 MART“

Završnom priredbom učenika OŠ“21 Mart“, polaganjem cvijeća i učenjem fatihe na Centralnom spomen obilježju, te svečanom sjednicom Općinskog vijeća u Doboju Jugu je obilježena Devetnaesta godišnjica od osnivanja ove lokalne zajednice i dan pomenute škole. Općinski načelnik Mirnes Tukić koji je preuzeo mandat prije pet mjeseci kazao je da je od svog prethodnika naslijedio dubiozu budžeta koja je mjerama konsolidacije smanjena, ali ne u potpunosti. Ova općina se još nije oporavila od majskih poplava 2014. godine. Čine se napori da se svakodnevno stvara što bolji ambijent za privredu, jer je otvaranje svakog novog radnog mjesta za pozdraviti. Trenutno na području općine ima nešto više od dvije stotine privrednih subjekata koji upošljavaju više od hiljaditrisa radnika sa tendencijom povećanja ovog broja. Vrata općine za investitore su stalno otvorena. Ono što slijedi u narednom periodu jeste rješavanje pitanja plavljenja ravničarskog dijela općine, ulaganje u industrijske zone Matuzići i Mravići, proširenje kapaciteta pitke vode, nastavak izgradnje kanalizacije, posebno sekundarne mreže, pitanje izgradnje prečistača otpadnih voda i ostala komunalna pitanja, osnivanje općinske biblioteke, jačanje kapaciteta JKP“VIS“, DVD „Doboj Jug“, te stalna briga za socijalno nezbrinute i ranjive kategorije građana, stipendiranje studenata i stvaranje uslova za zapošljavanje mladih. Na evidenciji biroa rada ovdje je registrovano oko hiljadu nezaposlenih.

Svečanoj sjednici OV pridružili su se ministri u vladi ZDK Himzo Smajić i Fahrudin Čolakovi, načelnici Tešnja Suad Huskić i Ušore Zvonimir Anđelić, direktorica Fonda zdravstvenog osiguranja ZDK Mirzeta Subašić, direktor KU CZ ZDK Džavid Aličić, te predstavnici javnog, političkog i vjerskog života.